

4

LO LUS NUG

PHAU TAW QHIA



▶ MUAJ FEEM NTAWV UA HUVSI

Taw Qhia Kev Cob Qhia 4 Lo Lus Nug

Qhia txog teebmeem kaus menyuam los ntawm Txojmoo Zoo uas ciaj sia

Kom hloov tau sawvdaws txojkev xav ntawm kev kaus menyuam.

Phau ntawv taw qhia no siv los pab rau kev cob qhia 4 Lo Lus Nug kom mus tau zoo thiab yooj yim nkag siab. Raws li ib txwm, sijhawm siv rau ib lo lus nug kwvlam li 40-45 feeb, lossis ntev me ntsis yog sib tham txog tej lus nug. Thaum xub pib, cov tub kawm qhib nplooj ntawv ua haujlwm ntawm Phau Taw Qhia thiab cim civ sau tseg. Lawv yuav tsum nyeem phau ntawv 12 nplooj ntawm lawv tus kheej lub sijhawm.

Koj tabtom txhim tsa ib txojkev tsoimkwm txojhia thiab nqua hu kom nqis tes. Tej ntsiab lus Vajluskub thiab kev ua zoo uas tseemceeb tau hais nyob rau hauv qab txhua lo lus nug, kuj muaj tej ntu sau tseg thiab txhais ntsiab Vajluskub luv luv thiab. Rau siab rau 3-4 lub ntsiab lus tseemceeb ntawm txhua lo lus nug, hloov qhov uas kawm tagrho cov zaj kawm thiab kev txhais Vajluskub ntawm phau ntawv 12 nplooj, uas tau npaj los ke zoo li ntawv qhia ntxiv ke zoo li ntawv siv rau kev qhia Txojmoo Zoo uas ciaj sia rau lwm tus. Txhawb cov tub kawm kom qhia rau lwm tus. *“Mloog Vajtswv Txojlus, ua raws Vajtswv Txojlus, thiab qhia Vajtswv Txojlus rau lwm tus.”*

Lus nug 1: Vajtswv hais li cas txog tibneeg txojhia thiab tus menyuam uas nyob hauv leejniam plab txojhia?

Cob qhia thiab sib tham nyob rau Chivkeeb 1:26-28, Lukas 1:34-44, Phau Ntawv Nkauj 139:13-16. Cov nqe no qhia luv tiamsis haum li Vajluskub, qhia txog tibneeg muaj nuj nqis txij thaum uas tseem nyob hauv niam plab.

1. Chivkeeb 1:26-28: Txhua tus tibneeg lub neej puavleej muaj nuj nqis thiab muaj ib tes haujlwm loj.

- a. Cov ntseeg txojkev xav txog tibneeg muaj nqis raws li qhov no: Tibneeg tau Vajtswv tsim zoo li Nws tus yam ntxwv. Los ntawm cov nqe no peb hais tau hais tias txhua tus tibneeg yug los puavleej muaj nqis, sib txig sib luag, tshwjxeeb, thiab muaj nqis mus ib txhis. Yam uas peb suav tias *yog kev yog cai uas ib txwm muaj nyob los* yog raws li tej kev muaj nqis no. Tej ntawd tau suab tias yog feem uas txhua tus puavleej muaj vim tau Vajtswv pub tsis yog nomtswv.
- b. Chivkeeb 1:28 yog lus samhwm muaj tubki. Qhov uas yug menyuam thiab txhim tsa cuabyig tau Vajtswv qhuas zoo li ib lub cim ntawm Nws txojkev zoo siab thiab kev nplua nuj. Tu siab heev, nim no ntau zaug luag saib menyuam zoo li yog kev tabkaum, ib lub nra lossis khoom povtseg – tsis yog koob hmoov uas muaj nqis ntawm Vajtswv uas peb tau txais!

2. Lukas 1:34-44: Teb lo lus, menyuam yog dabtsi? Tibneeg txojhia pib muaj thaum twg los? Qhia cov tub kawm soj ntsuam; Vajtswv hais tias thaum uas xeebtub ces tibneeg twb muaj sia lawm, tus menyuam uas tsis tau yug thiab tus uas yug lawd los puavleej yog tibneeg tagrho.

a. *“Xeebtub thiab yug me tub” (Lukas 1:31) thiab “xeeb ib tus me tub” (Lukas 1:36)*

Thaum twg Yexus thiab Yauhas yog me tub, (txivneeg)? Teb lo lus hauv Vajluskub “thaum xeebtub.”

b. *Lo lus “menyuam” hauv lus Henplais (brephos) zoo ib yam li hauv Lukas 1:44 thiab Lukas 2:12.*

Lukas 1:44 hais txog tus uas tsis tau yug; Lukas 2:12 hais txog menyuam mos. Raws li Vajuskub, menyuam yog menyuam tsis ntsis txog loj lossis me, nyob qhov twg, hlob li cas, cheem tsum pab li cas.

c. *Zaj uas hais txog Malis tabtom suab menyuam mus saib Elixanpes*

Yauhas Npatitus tau 6 lub hlis hauv nruab thiab (Lukas 1:36). Lub sijhawm no Yauhas loj me ntsis peb txhais tes xwb. Yog li, lub sijhawm ntawd Tswv Yexus tau pestsawg thiv lawm (loj li cas)? Koj yuav pom lo lus teb yog ua tib zoo nyeem ntu ntawd. Malis tsis tau suab menyuam thaum timtswv hais rau nws. Thaum nws tuaj txog ntawm Elixanpes tsev nws mam muaj menyuam.

i. Malis tau hais txog tias “maj nrooj mus” (1:39) kwvlam 95 mais (150 km) ntawm Naxales (1:26) txog “saum laj roob Yudas” (1:39), thajchaw no tsis tshua mee tiamsis zoo li ze Yeluxalees, qhov chaw

uas Xakhaliyas ua povthawj hauv tuamtsev (1:8). Yog li mas, kwvlam li 3-5 hnuv. Muab xam kiag ua ib thiv los tau.

- ii. Txawm li cas los, Yauhas uas tseem yog ib tus menyuum hauv ntsuab thiab twb dhia zoo siab qhia rau nws niam tias: “Tus Tswv los lawm!” ib yam li nws qhia rau sawvdaws 30 lub xyoo tom qab no. Tswv Yexus zoo li “ib lub lwg ntshav” nyuam qhuav tau ob peb nyuag hnuv lossis ib lub asthiv – tsis loj tshaj lub kua tswjmem uas nias rau tom qab lo lus no pestsawg thiab tej zaum twb tsis tau lo ruaj rau hauv tsevtub. Tiamsis Vajluskub qhia hais tias Nws yeej yog Vajtswv thiab tibneeg tagnrho.

3. Phau Ntawv Nkauj 139:13-16: Txojsia hauv tsevtub yog timkhawv rau peb qhuas thiab pehawm Vajtswv. Qhov uas Daviv siv lo lus “kuv” qhia tias nws saib nws yog ib tus tibneeg thaum nws sau thiab thaum uas tseem nyob hauv niam plab huvsi. Siv ntu no los qhia hais tias tibneeg nyob rau hauv lub tsevtub tsis yog tseeb tiag xwb tiamsis tseem zoo kawg nkaus li thiab.

Kev tshawbfawb ua timkhawv rau tej uas Vajluskub qhia:

1. Thaum xeebtub, koj yog ib tus tibneeg:
 - a. *tabtom ciaj sia,*
 - b. *tshwjxeeb,*
 - c. *txhij txhua,* muaj nyob thiab loj hlob sab hauv dhau tej caij nyoog uas loj hlob zuj zus.
2. Saib video kev tshawbfawb txog menyuum, ‘*Koj lub neej ua ntej yug,*’ (6 feeb):

www.baovemamsong.org/tai-lieu/tieng-hmong/

Lus nug 2: Vajtswv hais li cas txog tus neeg uas tsis muaj txim raug tua tuag thiab txojkev kaus menyuum?

Ib yam li peb, Vajtswv hlub yam twg tshaj ces Nws yuav tso mkwm yam ntawd tshaj. Vajtswv tivthaiv tibneeg lub neej los ntawm Nws tej kevcai ua zoo thiab los ntawm qhov uas tsim tagnrho tej tibneeg uas muaj lub siab ua raws li tej kevcai ntawd. Txoj kevcai ua zoo no yog tagnrho tej kev cai uas raws li Vajluskub qhia, muab hais sau zog ua 7 txwm: “Hlub lwm tus ib yam li yus” (Levis Kevcai 19:18).

Dhau txoj kevcai uas saib taus thiab tivthaiv lwm tus txojkev kaj siab ces yog txojkev txwv hauv Khiav Dim 20:13, “Txwv tua tibneeg.” Tua tibneeg ntawm no txhais hais tias txhob txwm tua tus uas tsis muaj txim.

Muab los hais ua ke mas ua raws li Vajluskub txojkev ua zoo txhais hais tias peb tsis txhob txhob txwm tua tibneeg lossis tsaus siab cia lwm tus tua tus tibneeg uas tsis muaj txim. Peb yuav tsum hlub lawv thiab ua rau lawv raws li tej yam uas peb xav kom lwm tus ua rau peb thaum uas peb yog tus uas yuav raug tua povtseg.

Saib tej uas Vajluskub hais hauv cov ntu no: Chivkeeb 4:8-11, 2 Kevcai 21:1-9, Levis Kevcai 20:2-5.

1. **Chivkeeb 4:8-11:** Teb lo lus, Vajtswv ua li cas rau qhov uas tua tus tibneeg tsis muaj txim? Ka-ees txhob txwm tua nws tus kwv uas tsis muaj txim. Txawm yog lub sijhawm ntawd tsis tau tshaj tawm tej kevcai txwv los qhov ntawd yeej yog kevcai uas ib txwm muaj los lawm (tau cog rau hauv Ka-ees siab). Nws yeej paub yam uas txwv nws thiaj npog nws qhov txhaum los ntawm qhov uas hais lus dag. Nws siv zog khiav txoj kevcai uas yuav tsum ua, nws hais tias: “Kuv yog tus uas saib xyuas kuv tus kwv los?” Yeej yog los maj. Anpees cov ntshav quaj hu thov Vajtswv pab (Chivkeeb 4:8-11). Anpees paub tias nws cov ntshav tsim txiaj. Yam uas Vajtswv yuav ua ces yog kev txiav txim xwb.
2. **2 Kevcai 21:1-9:** Teb lo lus, Vajtswv haivneeg yuav tsum ua li cas thaum muaj neeg tsis muaj txim raug tua? Qhia tshwm tias tej thawjcoj uas Nws txhim tsa tau nqua hu los cob qhia tej pejxeem nkaq siab tej yam uas phem kawg nkaus, uas yog tua tus tibneeg uas tsis muaj txim.
 - a. Nqe 2: Ntsuas saib nyob ze qhov twg dua. Lo lus: “*Haj yam ze koj ces koj tes haujlwm haj yam ntau*” yog rov qab hais dua lo lus “hlub lwm tus”.
 - b. Nqe 3-4: Lub kevcai uas hnyav yog qhia kom sawvdaws paub – nco txog txojkev ua zoo. Txawm yog lawv tsis nco khuvxim txojsia uas tu lawd los kom lawv khuvxim thaum muab tej

uas lawv muaj coj mus ua lub kevcai loj. Vim nws yog ib tus neeg uas lawv tsis paub ces yooj yim ua rau lawv xav tias: “Yam ntawd tsis cuam tshuam txog peb.” Tiamsis tus ntawd tsis yog ib tus uas Vajtswv tsis paub. Ib yam nkaus li ntawd, thaum lawv xav tias txojkev tua neeg ntawd tsis ntsis txog lawv ces ua rau lawv lub siab tawv.

- c. Nqe 7-9: Tagnrho sawvdaws yuav tsum thov Vajtswv, coglus dua ua raws li txoj kevcai txwv thiab txoj kevcai uas yuav tsum ua. Txawm yog lawv tsis tau tua tus tibneeg ntawd lossis ntsia ntsoov los cov uas los raug ntshav lo yuav tau theej txhoj.

3. Levis Kevcai 20:2-5: Teb lo lus uas Vajtswv xav li cas txog kev tua menyuum.

Tua ib tus menyuum lossis cia qhov ntawd tshwmsim yog ib yam uas phem kawg nkaus thiab ua txhaum loj heev rau Vajtswv. Txojkev tua menyuum uas phem tshaj yog tua fij. Vajtswv suav tias qhov ntawd yog ua phem: “...kuv tsis tau xav hais tias lawv yuav ua tej ntawd kom cov Yudas ua txhaum” hauv Yelemis 32:35. Tiamsis lub kevcai uas tua menyuum fij mas muab tus menyuum lub rojpas txiav, tseem zoo zog li kev kaus menyuum uas ua rau tus menyuum maj mam tuag zuj zus, txiav ib daig daig. Luag muab menyuum tua fij yog xav kom zam tau qee yam teebmeem lossis tau txais qee yam dabtsi. Niaj hnub nim no, peb twb muab txojkev fij menyuum rau tej vajtswv thaum ub no tso povtseg lawm. Tiamsis tseeb tiag, kev kaus menyuum yog kev fij menyuum kom tsis raug qee yam teebmeem lossis tau txais qee yam dabtsi, vim peb xav tau lwm yam los hloov (txuag tau nyiaj txiag, kawm tau tsev kawm ntawv tiav, zam tau kev txajmuag lossis kom tsis poob koob npe vim yus txojkev txhaum,..)

Tham lossis saib txog tej duab thiab video hais txog kev kaus menyuum. Siv sijhawm thov Vajtswv, quaj ntsuag, thiab ua timkhawv. Saib video *‘Ntawm no yog kev kaus menyuum’* (2 feeb): www.baovemamsong.org/tai-lieu/

Lus nug 3: Peb coj txoj koob hmoov ntawm Txojmoo Zoo mus daws lub txim uas kaus menyuum li cas kom tau txais kev zam txim thiab cawm dim?

Tibneeg paub txog Vajtswv txoj koob hmoov thaum tau txais kev zam txim thiab pom txog lub siab uas tau ntxuav dawbhuv. Thaum ntawd peb muaj kev kaj siab nrog Vajtswv, kev txajmuag thiab khuvxim twjywm ntawm peb dhau mus ua lus timkhawv thiab zoo siab rau Vajtswv txojkev hlub hauv peb lub neej los ntawm Tswv Yexus Khetos. Yam no tej zaum peb pom kiag tej thaum maj maj tshwm tuaj, tiamsis yuav tsum muaj kev ntseeg.

Nyeem thiab sib tham Phau Ntawv Nkauj 32:1-5, Yaxayas 53:4-6, Henplais 9:14.

1. Phau Ntawv Nkauj 32:1-5: *Kev ntseeg ntawm kev lees kev txhaum thiab lees txim.*

Yuav ua li cas peb thiaj pom tias yus muaj kev txhaum? Peb pheej muab nws zais tseg (npog cia). Tiamsis peb txojkev ua twjywm (3) ua rau peb qaug zog. Txajmuag kawg nkaus rau yus tej kev txhaum. Nyuaj siab, txajmuag, thiab khuvxim li uas raug tshav ntuj kub ziab (4). Qhia tshwm lossis lees koj tej kev txhaum (5) Vajtswv yuav ua yam uas zoo rau koj, zam txim thiab cawm kom dim huvs. Tus uas tau koob hmoov (zoo siab thiab kaj siab) yog tus uas hla dhau kev txhaum txog rau txoj koob hmoov (1).

2. Yaxayas 53:4-6: *Kev ntseeg uas cia siab rau Tswv Yexus thiab Nws tus ntoo khaubig.*

Teb lo lus uas Vajtswv zam txim rau kuv los ntawm yam dabtsi? Yeej tsis ncaj ncees kiag li thaum uas zam rau ib tus neeg uas ua txhaum lossis rau txim rau tus tsis muaj txim. Ntu no qhia txog qhov uas Vajtswv ua ncaj ncees tiamsis kuj qhia tshwm Nws txojkev hlub li cas thiab. Vajtswv pub ib yam kev theej txhoj *hloov* peb tej kev txhaum, yog li ntawd, Nws txojkev ncaj ncees tau ua tiamsis Nws txojkev hlub kuj tau pub thiab. Saum ntoo khaublig, Tswv Yexus qhia txog Nws txojkev zam txim rau cov uas lees txim thiab ntseeg. Nyob ntawm kev kaus menyuum, Tswv Yexus cov ntshav uas dawbhuv tau ntwv saum ntoo khaublig los ntxuav (cawm) peb tej kev txhaum uas tua tus neeg tsis muaj txim lossis tsis ua dabtsi los tav txojkev ntawd. Ntseeg Vajtswv txhais tias ntseeg ob yam: Tswv Yexus tau tuag theej tagrho peb tej kev txhaum thiab Nws ris tagrho tej kev txhaum ntawd. Ntawm no yog “Txojmoo Zoo”!

3. **Henplais 9:14:** *Kev ntseeg uas ruaj khov (ua siab ntev) thiab tawmtsam kom muaj lub siab dawbhuv.* Ntsia pom thiab txaus siab rau qhov uas muaj Tswv Yexus los pab yus thiab cob cim yus tus kheej txog qhov ntawd thaum uas cheem tsum. Ntawm no yog tib txojkev uas yuav cawm tau yus dim ntawm lub neej uas txaj muag rau txojkev txhaum thiab kho yus tej kev nyuaj siab yav tas los zoo. Vajtswv xav kom peb cia siab rau Nws thiab kaj siab lus ua Nws tes dejnum. Thaum koj muab txojkev txajmuag thiab qhov uas ua twjywm hloov mus ua lus timkhawv thiab lus qhuas ces koj paub hais tias koj tau txais txojkev kaj siab no. Kom pom txog ib qhov pivtxwv uas zoo heev: Rub nqis, Jeannie Pernia zaj lus timkhawv ‘Kov yeej los ntawm txoj koob hmoov’ hauv www.baovemamsong.org/tai-lieu/tieng-hmong/

Lus nug 4: Vajtswv nqua hu kom peb yuav tsum ua li cas los tawmtsam txojkev tua cov tibneeg tsis muaj txim? Thiab lwm tus twb ua tes haujlwm no li cas lawm?

Hla ntawm qhov uas totaub tej uas Vajtswv hais txog tibneeg txojksia mus rau qhov uas Nws nqua hu peb ua, kom tivthaiv tau txojksia dhau ntawm txojkev tuag uas tsis ncaj ncees. Lwm tus tau tsumkwm txojksia li cas lawm, thiab peb yuav teb Vajtswv tej lus nqua hu li cas? Peb yuav ua dabtsi?

Nyeem thiab sib tham: Pajlug 24:10-12, Lukas 10:25-37.

1. **Pajlug 24:10-12:** Lus nqua hu mus pab caw.

Vajluskub txojkev ua zoo ntsis txog tibneeg txojksia uas tsis muaj txim tau muab hais sau zog los ua tib lo: cawm. Cawm tus neeg tsis muaj txim yog Txoj Kevcai Nyiaj Kub ntawm yus tes haujlwm. Lub ntsiab ntawm lo lus nqua hu no yog tej lus nqua hu dhau los lawm: 1, tsis txhob tua tus neeg tsis muaj txim; lossis 2, tsis ua ntsej lag muag dig. Txhais tias Pajlug 24:11 yog “kev tua neeg” (txhob txwm tua tus uas tsis muaj txim). Lo lus nqua hu yog nqis tes mus pab cawm cov neeg tsis muaj txim. Thaum chivthawj ntshe peb tsis xav kom ntsib kev phomsij lossis tsis xav raug them nqi ua rau peb hais tias peb tsis paub txojkev phem ntawd (24:12). Tiamsis yam tshuaj uas daws txojkev txhawj ntshai yog lub siab tawv uas ntseeg hais tias Vajtswv “saib xyuas” peb txojksia, thiab Nws yuav ua paj raws li tibneeg tes haujlwm. Yam uas peb tawmtsam qhov uas tua tus neeg tsis muaj txim, tej uas peb ua puavleej qhia tias peb muaj (lossis tsis muaj) kev ntseeg rau ntawm Vajtswv.

2. **Lukas 10:25-37:** Tus qauv mus pab.

Zaj uas hais txog tus neeg Xamalis siab zoo qhia rau peb txog txojkev pab. Ntawm no yog ib tus qauv uas pab kiag ntawm tes, pab tseeb tiag, pab ntawm yus tus kheej. Qhov ntawd poob sijhawm thiab nyiaj txiag tiamsis cawm tau tibneeg txojksia thiab ua rau Vajtswv tau koob meej. Cia li ua raws li tus neeg Xamalis siab zoo. Hais lwm yam, cia li uas raws li Txoj Kevcai Nyiaj Kub (Mathais 7:12). Txoj Kevcai Nyiaj Kub no yog ib yam kevcai ua zoo ntawm Vajluskub: Kevcai kev hlub.

3. **Saib tej pivtxwv** tau hais rau hauv *Kev Cob Qhia 4 Lo Lus Nug* txog qhov uas Vajtswv haivneeg cawm cov neeg tsis muaj txim yav tas los. Tshaj 6.000 tes haujlwm uas pab cov pojniam suab menyuam tau txhim tsa ntawm 40 lub xyoo dhau los, qhov no yog cov ntseeg kev tawmtsawm txoj kevcai tso cai kaus menyuam.

Muab rau cov tub kawm ib tus ib phau: *4 Lo Lus Nug: 12 nplooj & 4 Lo Lus Nug: Phau Taw Qhia*, thiab pab lawv nrhiav/rub nqis 2 zaj video saum web. **Kom** cov tub kawm qhia dua rau Pawgntseeg, pab pawg lossis 5 leeg. Thaum uas kawm tiav 4 Lo Lus Nug, tshaj tawm 3 zaj no los pab rau kev ua dejnum:

- ‘*Tau zam txim thiab kaj siab*’. Pab daws kev nyuaj siab thiab txhim kho dua tom qab uas kaus menyuam.
- ‘*Pab rau tej kev nyuaj siab uas suab menyuam rau tus uas nyuam qhuav pib*’. Kawm tswvyim mus pab.
- ‘*Kaum kaujruam uas txhim tsa kev pab tej pojniam suab menyuam*’.

Rub nqis phau: ‘4 Lo Lus Nug: 12 nplooj,’ ‘4 Lo Lus Nug: Phau Taw Qhia’ thiab ob zaj video ntawm no:

www.baovemamsong.org/tai-lieu/tieng-hmong/

FEEM UA NTAWM KEV COB QHIA 4 LO LUS NUG

Los ua ke coj Txojmoo Zoo uas ciaj sia mus pab hloov sawvdaws txojkev xav ntawm kev kaus menyuam.

Lus nug 1: Vajtswv hais li cas txog tibneeg txojksia thiab tus menyuam uas nyob hauv leej niam plab txojksia?

Chivkeeb 1:26-28: Teb cov lus nug, yam dabtsi ua rau tibneeg txojksia muaj nqis thiab peb yuav ua li cas thiaj tshaj tawm tau txojkev muaj nqis ntawd?

Lo lus samhwm uas huam vam (muaj tub muaj ki) 1:28. Vajtswv hais txog menyuam zoo li lub cim ntawm Vajtswv tej koob hmoov thiab kev npluanuj. Vajluskub hais txog menyuam thiab tsevneeg txawv li tibneeg ntiajteb niaj hnuv nim no hais li cas?

Lukas 1:34-44: Teb lo lus nug, yam uas tsis tau yog los yog dabtsi? Lossis tibneeg txojksia pib muaj thaum twg?

Tej kev tshawb fawb ua timkhawv rau tej uas Vajluskub qhia: “Lub lwg ntshav uas twb xeeb tub lawm yog qhov uas pib muaj txojksia ntawm ib tus tibneeg. Tibneeg txojkev loj hlob pib txij thaum uas xeeb, yog lub sijhawm uas tus txivneej cov kab roj ntsha... mus koom nrog tus pojniam cov qe... ces hu ua lub lwg ntshav. Lub lwg ntshav uas ciaj sia no yog lub cim uas qhia hais tias peb txhua tus pib muaj thiab nyias yeej yog nyias.” - *Keith L. Moore & T. V. N. Persaud, The Developing Human: Clinically Oriented Embryology, nplooj 16.*

Thaum uas xeeb, koj yog 1) lub cev uas muaj sia, 2) txawv, 3) yog ib tus tibneeg txhij txhua thiab loj hlob nyob sab hauv leej niam lub plab dhau tej sijhawm.

Phau Ntawv Nkauj 139:13-16: Txojksia uas nyob hauv lub tsevtub yog timkhawv rau peb qhuas thiab pehawm Vajtswv.

Lus nug 2: Vajtswv hais li cas txog tus neeg uas tsis muaj txim uas raug tua tuag thiab txojkev kaus menyuam?

Ib yam nkaus li peb, Vajtswv tsomkwm yam uas Nws hlub tshaj: Vajtswv tsomkwm tibneeg txojhia dhau ntawm Nws tej kevcai ua zoo thiab qhov uas Nws tsim tibneeg muaj lub siab uas paub txoj kevcai ntawd.

Khiav Dim 20:13: Vajtswv txoj kevcai hlub uas tivthaiv hais txog seem uas ua tsis zoo li cas?

Levis Kevcai 19:18: Vajtswv txoj kevcai hlub uas tivthaiv hais txog seem uas ua zoo li cas?

Peb yuav pom txog txoj kevcai ua zoo sib koom ua ke ua haujlwm li hauv qab no:

Chivkeeb 4:8-11: Teb lo lus, Vajtswv ua li cas rau lub txim uas tua tus tibneeg tsis muaj txim?

2 Kevcai 21:1-9: Teb lo lus, Vajtswv haivneeg yuav tsum ua li cas thaum muaj ib tus tibneeg tsis muaj txim rau tua tuag?

Levis Kevcai 20:2-5: Teb lo lus uas hais txog Vajtswv txojkev xav ntawm qhov uas tua menyuam thiab muab coj mus ua khoom fij. Yog hais tias tus menyuam uas tsis tau yug los twb yog tibneeg lawm ces qhov uas kaus menyuam yog txhob txwm tua ib tus menyuam uas tsis muaj txim; yog muab menyuam coj mus ua khoom fij rau tiam no.

Lus nug 3: Peb coj txoj koob hmoov ntawm Txojmoo Zoo mus daws lub txim uas kaus menyuum li cas kom tau txais kev zam txim thiab cawm dim?

Phau Ntawv Nkauj 32:1-5: Teb lo lus, peb tau ua txhaum thiab txajmuag li cas? Nws kuj yog yam uas tseemceeb pab yus nthuav tawm thiab lees txim.

Yaxayas 53:4-6: Teb lo lus, Vajtswv zam txim rau kuv los ntawm yam dabtsi? Nws kuj qhia txog yam tseemceeb uas cia siab rau Tswv Yexus thiab Nws tus ntoo khaublig.

Henplais 9:14: Teb lo lus uas hais txog txojkev txajmuag & tu siab uas pheej caum yus qab thiab yam tseemceeb uas yuav tsum tawmtsam kom muaj ib lub siab dawbhuv thiab kaj siab ua Vajtswv haujlwm.

Lus nug 4: Vajtswv nqua hu kom peb yuav tsum ua li cas los tawmtsam txojkev uas tua cov tibneeg tsis muaj txim? Thiab lwm tus twb ua tes haujlwm no li cas lawm?

Pajlug 24:10-12: Tagnrho txhua yam uas Vajtswv nqua hu kom peb ua tau muab hais sau zog los ua ib los xwb, uas yog: *Cawm*.

Lukas 10:25-37: Zaj uas hais txog tus neeg Xamalis siab zoo qhia peb paub txog txojkev pab thiab ua qauv rau peb nqis tes mus pab.

Xav txog cov uas ntseeg Vajtswv hauv keeb kwm tau cawm cov neeg tsis muaj txim.
Lawv tau ua li cas? Sib tham txog tej kab ke uas lawv ua.

Cov ntseeg tabtom pab tej teebmeem ntawm kev kaus menyuam niaj hnuv nim no li cas?

Nws zoo li cas, lossis nws yuav tau ua li cas rau hauv koj haivneeg?

Rub nqis phau: '4 Lo Lus Nug: 12 nplooj,' '4 Lo Lus Nug: Phau Taw Qhia' thiab ob zaj video ntawm no:
www.baovemamsong.org/tai-lieu/tieng-hmong/